

ESTERIBARKO ELKARTEEK ANTOLATZEN DITUZTEN EUSKARA SUSTATZEKO ETA JARDUERA SOZIOKULTURALAK LAGUNTZEKO DIRULAGUNTZA DEIALDIA. 2020.URTEA

Esteribarko Udalak jarduerak antolatzeko dirulaguntzak emanen ditu, arau hauen arabera:

ARAUAK

1.- ARRAZOIA

Deialdi honek Esteribarren helbidea duten Elkarteak sustatzea eta babestea du helburu, honako esparru hauetan egiten diren jarduerak sustatzeko: jarduera sozialak, kulturalak eta euskara sustatzea helburu dutenak eta Esteribarren eginen direnak.

1.1. KULTURA

Dirulaguntza jasotzen ahal duten proiektuak Esteribarko herritarrei zuzendutako jarduera kultural eta sozialak izanen dira, eta Esteribarko bizialdian parte hartzea sustatuko dutenak maila sozial, kultural, asoziatiboan zein ludikoan.

Deialdi honetatik kanpo geldituko dira: asistentziazko jarduerak (antolatzaileen soldatak, dietak, kilometrajea...), opariak, aktibitate gastronomikoak (hamaiketakoak, bazkariak, askariak...), Elkartearen helburuarekin bat ez datozen eta Esteribarko mugatik kanpo egiten diren jarduerak, edo elkarte edo kolektiboaren gastu orokorrak, aktibitateak abian jartzeko beharrezkoak diren materialak zein mantenura zuzendutakoak. Materialei dagokienez, kasuz kasu aztertu ahalko da kostearen zati bat diruz laguntzea, dirulaguntzaren xedea den jarduerarako beharrezkotzat joz gero.

Bidaia ere deialdi honetatik kanpo gelditzen dira, interes kultural berezikoak baldin ez badira.

1.2. EUSKARA

Diruz lagunduko dira euskararen sustapena helburua duten jarduerak, Esteribarko bizilagunei hainbat eremutan euskara erabiltzeko aukera berriak eskaintzen dizkietenak.

2.- AURREKONTU KONTSIGNAZIOA:

Dirulaguntza horiek, Esteribarko Udalak 2020. urteko aurrekontuaren ondorengo diru-sailetatik ordainduko dira, eta hein batean edo bere osoan egonen ahalko da bideratua:

- Jarduera soziokulturalak egiteko dirulaguntza eskabideetarako 3340 48200
- Euskara sustatzeko jardueretarako 3350 48200

3.- DIRULAGUNTZAK ESKATZEKO BALDINTZAK.

3.1. ELKARTEENAK:

- a) Eskaera egiten den egunean legez eratuta egotea.
- b) Helbide soziala Esteribarren izatea.
- c) Tokiko Elkartearen Udala Erregistroan inskribatuta egotea (edo inskripzioa eskatuta izatea eskaerak aurkezteko epea bukatu baino lehen) eta erregistroko datuak eguneratuak izatea.
- d) Ordaindu beharreko zergak ordainduta izatea (udalarenak eta bestelakoak), baita Gizarte Segurantzaren kuotak ere.

3.2. PROGRAMATUTAKO JARDUERENAK:

- a) Publikoak izatea eta jarduera zuzendurik dagoen Elkartearen Esteribarko kide guztiei irekiak izatea. Esteribarko biztanleak jakinaren gainean izan daitezen behar adinako publizitatea eginen da.
- b) Diruz lagundutako jarduera guztien berri emanen da bakoitzari dagokion udal arloan, garaiz eta beharrezko datu guztiak emanez, udal web orrian eta agendan horren berri argitara dadin.

4.-ESKAERAK AURKEZTEKO EPEA ETA LEKUA.

Eskaerak Udaleko Erregistroan aurkezteko epea bi hilabetekoa da deialdiaren iragarkia Nafarroako Aldizkari Ofizialean argitaratzen den egunetik. Epea luzaezina izanen da.

5.- AURKEZTU BEHARREKO AGIRIAK

- Eskabidea, behar bezala beterik, deialdi honetan parte hartzea eskatzeko.
- Dirulaguntza eskatzen den jarduera bakoitzeko fitxa (l. eranskina).
- Elkartearen edo Entitatearen kontu zenbakia, emandako diru laguntzaren ordainketa egiteko.
- Beste diru-sarrerarik edo laguntzarik izan den azaltzen duen adierazpena, publikoa zein pribatua.
- Zerga arloko betebeharrak, Gizarte Segurantzarekikoak eta Udalarekiko tributu arloko betebeharrak ordainduta dituzten ziurtagiri eguneratuak aurkeztu beharko dituzte.
- Fitxak Udal-Bulegoan eta Udalaren web orrian hartu ahalko dira (www.esteribar.org).

6.- BALORAZIOA

6.1. Udalak, 6.2 puntuan adierazten diren irizpideei jarraikiz, eskaerak baloratuko ditu eta Diru-laguntzak ematea Alkatearen ebazpenaren bidez eginen da..

Emanen diren dirulaguntzen zenbatekoa dirulaguntzak eskatzearen xede diren jarduerak burutu izanak zein horien benetako kostuak baldintzatuko dute.

6.2.Proiektu edo jarduerak deialdi honetan onartzeko ondoko irizpide orokorrak aintzat hartuko dira:

- Aurkeztutako programaren interesa eta kalitatea
- Jarduerak zenbat pertsonari zuzentzen zaizkien, zeinagatik parte hartu duten kideen zenbaketa atxikituko baita.
- Proiektuaren parte-hartzea eta elkarten arteko izaera

7.- LAGUNTZEN ZENBATEKOA

7.1. Dirulaguntza, gehienez ere, jardueraren aurrekontuaren %50 izanen da. Entitate bakoitzak, gehienez ere, 3.000 euro jaso ahalko ditu.

7.2.Udalak aurrekontu errearen %100 eman ahalko die jarduerari eta/edo proiektuari, baldin eta, dagozkion teknikariek aldeko txostena emanik, udalerrarentzako interes berezia dutela irizten badie.

7.3. Nolanahi ere, eta aurrekontuetan baliagarri dagoen diruaren arabera, eta zenbat eskatzaile dauden kontuan hartuta, beharrezko bada, era proportzionalean murriztuko da onuradun bakoitzarentzako ekarpena.

8.- ORDAINTZEKO MODUA

8.1 Dirulaguntzak honela ordainduko dira:

- %70 15 eguneko epean, Osoko Bilkurak emandako ebazpenaren datatik aurrera, aurrerakin gisa.
- Gainerako % 30, 15 eguneko epean, deialdi honetako 9.puntuak dakarren justifikazioa egiteko dokumentazioa behin baloraturik eta beti ere hurrengo ekitaldiaren lehendabiziko hiru hilekoa bukatu baino lehen.

9.- BETEBEHARRAK

Elkarte onuradunek honako betebeharrak izanen dituzte:

- a) Onartutako jarduera eta emanaldiak egitea.
- b) Diruz lagundutako egitarauetan suerta daitezkeen aldaketa esanguratsuak Udalari jakinaraztea.
- c) Ebaluatzaile eginkizunean laguntzea.
- d) Jardueren eta egitarauen propagandan, formatua edozein dela ere, Esteribarko Udala aipatuko da.
- e) Jardueren propaganda euskaraz eta gaztelaniaz egingen da. Puntu hau bete ahal izateko, Euskara Zerbitzuaren laguntza eskainiko zaie kolektiboari (euskara@esteribar.org).
- f) Diruz lagundutako jarduerak beste erakunde baten dirulaguntza jasotzen badute, horrela adierazi beharko diote Esteribarko Udalari.

10.- GASTUEN JUSTIFIKAZIOA ETA JARDUEREN MEMORIA.

- a) Egindako jardueren memoria-txostena Udaletxeko Erregistroan aurkezteko azken eguna **2020ko abenduaren 14a** izanen da. **Justifikazioa egiteko epea luzaezina izanen da.** Epe horretan justifikatu ezin diren gastuetarako, jarduera ondoren egingen delako, justifikazioa aurkezteko epea 2021ko urtarrilaren 15a izanen da.
- b) Honako agiriak aurkeztuko dira:
 - Kontzeptu hauek bilduko dituen memoria-txostena: egindako jardueraren azalpena eta partaideen kopurua.
 - Egindako jardueraren balantze ekonomikoa, jarduerarekin lotutako sarrerak eta gastuak azalduko dituen eta pertsona eskudunak sinatua (Dirulaguntzei Buruzko Lege Orokorren 30.4 art.). (II. eranskina)
 - Gastuen fakturak (jatorrizkoak edo fotokopia konpultsatuak) honako datuak izanen dituztenak: dirua jasoko duen pertsonaren izen-abizenak eta IFZ, kontzeptua, zenbatekoa.
 - Populazioari jardueren berri emateko erabilitako esku-paper, kartel edo bestelako euskarrien kopia bana aurkeztuko dira.

11.- EBAZPENA

11.1. 9.Arauk dakarren justifikazioa egiteko dokumentazioa behin aurkezturik, gastuaren onespina egingen da eta gainerako zenbatekoaren ordainketa (%30), Alkatearen ebazpenaren bidez. Beharrezkoa bada, hasieran Osoko Bilkurak emandako dirulaguntzaren aldaketa edo moldaketa egingen da, programatutako jardueren betetzea eta gastuen justifikazioa kontuan hartuta.

12.-EZ BETETZEAK

12.1. Dirulaguntza emateko orduan kontuan hartutako baldintzak aldatzeak emate ebazpenaren aldaketa ekar dezake.

12.2. Jasotako diru kopuruak itzuli beharko dira honako kasu hauetan:

- a) Onartutako jarduerak ez justifikatzea.
- b) Dirulaguntza eskatutako baldintzak bete gabe lortzea.
- c) Dirulaguntza jasotzeko deialdi honek jarritako baldintzak ez betetzea.

12.3. Ikuskaritza eta kontrol funtzioak gauzatzerakoan, dirulaguntza era oker batez lortu, erabili edo bideratu egin dela antzematen bada, Udalak gaiarekin lotutako fakturak edo agiriak atxiki ahalko ditu.

13.-ARAUTZEKO LEGEDIA

Dokumentu honetan bildutako oinarriek arautuko dute deialdi hau. Aurreikusita ez dagoenerako, berriz, deialdia arautegi honi lotuko zaio:

- Udal diru-laguntzak emateko Ordenantza (NAO 50.zbkia, 2005eko apirilaren 27koa).
- Esteribarko Udalaren 2020ko Aurrekontua betearazteko oinarriak eta, bestela, Dirulaguntzei buruzko 38/2003 Lege Orokorra.
- Nafarroako Toki Administrazioari buruzko 6/1990 Foru Legea.
- Nafarroako Tokiko Ogasunen 2/1995 Foru Legea.
- Nafarroako Ogasun Publikoari buruzko apirilaren 13/2007 Foru Legea eta, haren ordezt, Aurrekontuei buruzko Lege Orokorra.
- 887/2006 E.D. (Erregelamendua).

Esteribarren, 2020ko otsailean
Alkatea,

Stua. Maria Matilde Añon Beamonte alkatea